

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 28. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2023. godinu, („Službene novine Zeničko-dobojskog kantona“, broj: 3/23) i odredbama Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), a na prijedlog Ministarstva za privredu/gospodarstva, Vlada Zeničko-dobojskog kantona, na 15. sjednici, održanoj dana 11.04.2023. godine, d o n o s i

**ZAKLJUČAK**  
**O USVAJANJU PROGRAMA UTROŠKA BUDŽETSKIH**  
**SREDSTAVA - ESCROW U 2023. GODINI**  
**(Subvencije privatnim poduzećima i poduzetnicima)**

**I.**

Usvaja se Program utroška budžetskih sredstava - ESCROW sredstva u 2023. godini – (Subvencije privatnim poduzećima i poduzetnicima), Ministarstva za privredu/gospodarstva Zeničko-dobojskog kantona, u iznosu 2.500.000,00 KM (slovima:dvamilijunapetstotinatisuća konvertibilnih maraka), koji čini sastavni dio ovog zaključka.

**II.**

Sredstva planirana ovim Programom utroška sredstava, realizirat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva financija, osim u izuzetnim slučajevima odobrenim posebnim aktima Vlade Kantona.

**III.**

Zaključak stupa na snagu danom donošenja.

**PREMIJER**

Broj: 02-\_\_\_\_\_/23  
Datum, 11.04.2023. godine  
Z e n i c a

*Amra Mehmedić*

DOSTAVLJENO:

1x Ministarstvo za privredu,  
1x Ministarstvo financija,  
1x a/a.



**PROGRAM**  
**UTROŠKA BUDŽETSKIH SREDSTAVA ZA 2023. GODINU**  
**(Subvencije privatnim poduzećima i poduzetnicima - ESCROW)**

*Zenica, travanj 2023. godine*

**PROGRAM**  
**UTROŠKA BUDŽETSKIH SREDSTAVA U 2023. GODINI**  
**(Subvencije privatnim poduzećima i poduzetnicima – ESCROW)**

## **I UVOD**

Zakonski osnov za donošenje Programa utroška budžetskih sredstava u 2023. godini (Subvencije privatnim poduzećima i poduzetnicima - ESCROW) sadržan je u članu 28. stav (1) i članu 46. stav (1) Zakona o izvršavanju budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 03/23) i odredbama Zakona o poticanju razvoja male privrede/gospodarstva („Službene novine Zeničko-dobojskog kantona“, broj: 7/16 i 7/20).

Program je usuglašen sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu/gospodarstvo.

## **II IZVOR FINANCIRANJA**

Budžetom Zeničko-dobojskog kantona za 2023. godinu („Službene novine Zeničko-dobojskog kantona“, broj: 03/23), planirana su financijska sredstva i to:

- ekonomski kod 614500 - Subvencije privatnim poduzećima i poduzetnicima - ESCROW u iznosu 2.500.000,00 KM.

Ekonomski kod 614500 – Subvencije privatnim poduzećima i poduzetnicima - ESCROW planirana su u iznosu od 2.500.000,00 KM. U proteklih nekoliko godina kod Razvojne banke Federacije Bosne i Hercegovine izvršeno je deponiranje sredstava sa escrow podračuna u sastavu Jedinstvenog računa trezora (JRT) Budžeta Zeničko-dobojskog kantona, prema programima utroška sredstava Ministarstva za privredu iz tih godina (2018., 2019. i 2020. godina), s tim da se 20% ostvarenih sredstava koristilo za sanaciju i osiguranje osnovnog kapitala u Fondu penzijskog i invalidskog osiguranja.

Sredstva deponirana kao namjenski depozit Vlade Kantona, korištena su u skladu sa pojedinačnim odlukama Vlade Kantona koje su Razvojnoj banci Federacije Bosne i Hercegovine uredno dostavljane.

Prema informaciji dobivenoj od Ministarstva financija Zeničko-dobojskog kantona i akta Razvojne banke Federacije Bosne i Hercegovine „Izvod broj 2 na dan 01.02.2023. godine“, na kontu 5303110 – namjenski depozit Vlade Kantona – budžet evidentiran je saldo u iznosu 599.802,20 KM (za navedeni iznos depozitnih sredstava izvršena je već uplata 20% za sanaciju i osiguranje osnovnog kapitala u Fondu penzijskog/mirovinskog i invalidskog osiguranja a u skladu sa zakonom utvrđene obaveze sanacije i osiguranja osnovnog kapitala fonda).

Navedeni iznos predstavlja dio iznosa od 2.500.000,00 KM planiranog Budžetom Zeničko-dobojskog kantona.

## **III ALOKACIJA SREDSTAVA**

Imajući u vidu raspoloživa sredstva, te obaveze koje proizilaze iz Godišnjeg plana rada Ministarstva za privredu/gospodarstvo Zeničko-dobojskog kantona za 2023. godinu i Programa rada Vlade Zeničko-dobojskog kantona za 2023. godinu, Ministarstvo za privredu/gospodarstvo je planiralo utrošak ESCROW sredstava, na sljedeći način:

- Utrošak sredstava u iznosu od 599.802,20 (iznos na kontu 5303110 – namjenski depozit Vlade Kantona – budžet kod Razvojne banke Federacije BiH, za navedeni iznos depozitnih sredstava izvršena je već uplata 20% za sanaciju i osiguranje osnovnog kapitala u Fondu

penzijskog/mirovinskog i invalidskog osiguranja a u skladu sa zakonom utvrđene obaveze sanacije i osiguranja osnovnog kapitala fonda) planiran je za razvoj konkurentnosti privrede/gospodarstva, razvoj poduzetništva i poduzetničke kulture starih i tradicionalnih zanata, subvencioniranje administrativnih troškova kod izgradnje proizvodnih objekata i subvencioniranje kamate po osnovu Kreditno-garancijskog fonda Vlade Zeničko-dobojskog kantona,

- Planirani iznos budžetskih sredstava (2.500.00,00 KM) umanjen za iznos salda namjenskog depozita kod Razvojne banke Federacije Bosne i Hercegovine (599.802,20 KM) iznosi 1.900.197,80 KM.
- Utrošak sredstava u iznosu od 1.520.158,24 (iznos planiranih budžetskih sredstava umanjen za iznos salda namjenskog depozita kod Razvojne banke Federacije Bosne i Hercegovine i 20% sredstava za zakonom utvrđene obaveze sanacije i osiguranja kapitala Fonda Federalnog zavoda za penziono/mirovinsko osiguranje) planiran je za razvoj konkurentnosti privrede/gospodarstva, razvoj poduzetništva i poduzetničke kulture starih i tradicionalnih zanata, subvencioniranje administrativnih troškova kod izgradnje proizvodnih objekata i subvencioniranje kamate po osnovu Kreditno-garancijskog fonda Vlade Zeničko-dobojskog kantona,
- Iznos od 380.039,56 KM (20% od 1.900.197,80 KM) planiran je za zakonom utvrđene obaveze sanacije i osiguranja osnovnog kapitala fonda Federalnog zavoda za penziono/mirovinsko i invalidsko osiguranje.

Na osnovu člana 5. i 6. Zakona o Razvojnoj banci Federacije Bosne i Hercegovine („Službene novine Federacije BiH”, broj 37/08), člana 33. Stav 2. Zakona o privatizaciji poduzeća („Službene novine Federacije BiH”, broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), te točke II. Zaključka Vlade Zeničko-dobojskog kantona broj: 02-14-15200/17 od 02.11.2017. godine, Razvojna banka Federacije Bosne i Hercegovine i Vlada Zeničko-dobojskog kantona zaključili su Ugovor o namjenskom depozitu broj: 07-14-19795-9-1/14 od 21.12.2017. godine.

Članom 3. stav 1. točka 1. Ugovora propisano je da „Sredstva depozita iz člana 2. Ugovora će se koristiti u skladu sa pojedinačnim odlukama Vlade Kantona, s tim da se 20% ostvarenih sredstava koristi za sanaciju i osiguranje osnovnog kapitala u Fondu penzijskog/mirovinskog i invalidskog osiguranja, a ostali iznos sredstava depozita će se koristiti za:

1. Poticaje privredi/gospodarstvu na području Zeničko-dobojskog kantona u skladu sa programima utroška Ministarstva za privredu/gospodarstvo Zeničko-dobojskog kantona, a na koje suglasnost da Vlada Zeničko-dobojskog kantona...”

Slijedom navedenog, ESCROW sredstva (sredstva povrata rata kredita odobrenih iz sredstava ostvarenih prodajom poduzeća u procesu privatizacije) realiziraju se preko Razvojne banke Federacije Bosne i Hercegovine (deponirana kao namjenski depozit Vlade Kantona) u skladu sa pojedinačnim odlukama Vlade Kantona.

Dinamika deponiranja sredstava sa ESCROW podračuna u sastavu Jedinog računa trezora (JRT) Budžeta Zeničko-dobojskog kantona kod Razvojne banke Federacije Bosne i Hercegovine i iznos od 20% ostvarenih sredstava za sanaciju i osiguranje osnovnog kapitala u Fondu penzijskog/mirovinskog i invalidskog osiguranja, ovisit će od dinamike realizacije samih programa i njihovog odobravanja od strane Vlade Zeničko-dobojskog kantona.

Po pripremi odluka za odobravanje i dodjelu sredstava po planiranim programima utvrdit će se i ukupan iznos sredstava koji će se prenijeti na poseban fond Razvojne Banke Federacije Bosne i Hercegovine kao i iznos 20% sredstava za sanaciju i osiguranje osnovnog kapitala u Fondu penzijskog/mirovinskog i invalidskog osiguranja.

## **1. RAZVOJ KONKURENTNOSTI PRIVREDE/GOSPODARSTVA**

**Indikatori:** Prihodi poduzeća, iznos izvoza, broj novih radnih mjesta, broj novocertificiranih poduzeća, vrijednost ostvarenih investicija u nova sredstva

**Iznos: 1.359.960,44 KM**

### **Svrha:**

Jačanje poduzeća sa područja Zeničko-dobojskog kantona kroz tehnološko unaprijeđenje proizvodnih procesa, digitalnoj transformaciji MSP-a, umrežavanje sa inostranim tržištima i poslovnim partnerima, sa posebnim fokusom na sektore sa najvećim potencijalom za ekonomski rast.

Povećati konkurentnost poduzeća na inostranom i domaćem tržištu kroz podršku procesu uvođenja standarda i sistema kvaliteta, te jačanjem njihove sposobnosti da posluju na međunarodnim tržištima.

Unaprijediti digitalna znanja i vještine radnika što će doprinijeti stvaranju kvalitetnih radnih mjesta prema potrebama poduzeća kao i sveobuhvatno jačanje ponude na tržištu rada u Zeničko-dobojskom kantonu. Unaprijediti pristup tržištu, odnosno promovirati proizvode na tržištima a u cilju podizanja konkurentnosti MSP.

Vlada Kantona će subvencionirati i/ili refundirati dio troškova za nabavku opreme i mašina (stalna sredstva) za obavljanje djelatnosti, uvođenje standarda, novih procesa i kontrola kvalitete, dio troškova obuke u svrhu unapređenja digitalnih znanja i vještina radnika, pristup tržištu, promocija proizvoda MSP, korištenje obnovljivih izvora energije.

Radi obavještanja korisnika o mogućnostima dobivanja sredstava poticaja, odluka se objavljuje u sredstvima javnog informiranja u formi javnog poziva za dodjelu poticajnih sredstava na službenoj web stranici Kantona.

**Organizacija-primatelj:** Privredni/Gospodarski subjekti sa registriranim šiframa djelatnosti prema kriterijima

**Kriteriji:** Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2023. godini, članom 28. stav (1) Zakona o izvršavanju budžeta Zeničko-dobojskog kantona, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, kako je to utvrđeno u članu 47. Zakona o izvršavanju budžeta Zeničko-dobojskog kantona. Javni poziv će, u skladu sa Uputstvom za dodjelu sredstava u 2023. godini, točkom 23. c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti odabir kandidiranih projekata, sve u cilju efikasne, ekonomične i efektivne upotrebe namjenskih sredstava.

## **2. RAZVOJ PODUZETNIŠTVA I PODUZETNIČKE KULTURE I TRADICIONALNIH ZANATA**

**Indikatori:** Prihodi obrta, broj novoosnovanih obrta, broj novih radnih mjesta, broj novocertificiranih obrta

**Iznos: 500.000,00 KM**

### **Svrha:**

Planirana sredstva će se koristiti za subvencioniranje investicija kod obrta i starih i tradicionalnih zanata. U cilju intenziviranja investicija u obrtničke djelatnosti i djelatnosti starih i tradicionalnih zanata, a samim tim povećanja zapošljavanja i razvoja, Vlada Kantona će pojedinačno

subvencionirati dio troškova za:

- pripremu objekta za obavljanje djelatnosti,
- kupovinu objekta, nabavku opreme i mašina (stalna sredstva) za obavljanje djelatnosti,
- uvođenja standarda i sistema kvaliteta, certificiranje proizvoda
- digitalnoj transformaciji,
- poticanje mladih obrtnika (do 35. godina),
- poticaj tradicionalnih zanata,
- poticaj ženskom poduzetništvu,
- poticaj invalidnih osoba.

Radi obavještanja korisnika o mogućnostima dobivanja sredstava poticaja, odluka se objavljuje u sredstvima javnog informiranja u formi javnog poziva za dodjelu poticajnih sredstava na službenoj web stranici Kantona.

**Organizacija-primatelj:** Obrtnici

**Kriteriji:** Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2023. godini, članom 28. stav (1) Zakona o izvršavanju budžeta Zeničko-dobojskog kantona, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, kako je to utvrđeno u članu 47. Zakona o izvršavanju budžeta Zeničko-dobojskog kantona. Javni poziv će, u skladu sa Uputstvom za dodjelu sredstava u 2023. godini, točkom 23. c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti odabir kandidiranih projekata, sve u cilju efikasne, ekonomične i efektivne upotrebe namjenskih sredstava.

### **3. SUBVENCIONIRANJE KAMATE ZA 2022. i 2023. GODINU PO KREDITIMA ODOBRENIM U 2022. i 2023. GODINI PO OSNOVU KREDITNO-GARANCIJSKOG FONDA VLADE ZENIČKO-DOBOJSKOG KANTONA**

**Indikator:** Osiguranje likvidnosti malih i srednjih privrednih društava, očuvanje radnih mjesta

**Iznos:** 10.000,00 KM

**Svrha:** Subvencionirat će se ukupan iznos obračunate kamate za 2022. i 2023. godinu na kredite malih i srednjih privrednih društava u Projektu „Osnivanje Kreditno-garancijskog fonda Vlade Zeničko-dobojskog kantona“ koji su odobreni u 2022. i 2023. godini po osnovu Javnog poziva za podnošenje zahtjeva za odobravanje kredita namjenjenih poslovnim aktivnostima privrednih društava na području Zeničko-dobojskog kantona koji se realizira preko ASA banke.

**Organizacija-primatelj:** Mala i srednja privredna društva registrirana na području Zeničko-dobojskog kantona, privredna društva koja namjeravaju započeti sa radom na području Zeničko-dobojskog kantona, tj. pokrenuti ili razviti poduzetničku aktivnost registriranu na području Zeničko-dobojskog kantona.

**Kriteriji:** Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2023. godini, članom 28. stav (1) Zakona o izvršavanju budžeta Zeničko-dobojskog kantona, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, kako je to utvrđeno u članu 47. Zakona o izvršavanju budžeta Zeničko-dobojskog kantona. Javni poziv će, u skladu sa Uputstvom za dodjelu sredstava u 2023. godini, točkom 23. c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti odabir kandidiranih projekata, sve u cilju

efikasne, ekonomične i efektivne upotrebe namjenskih sredstava.

#### **4. SUBVENCIONIRANJE ADMINISTRATIVNIH TROŠKOVA KOD IZGRADNJE PROIZVODNIH OBJEKATA**

**Indikator:** Površina izgrađenog proizvodnog prostora, broj novih radnih mjesta kao rezultat investicije, povećanje prihoda.

**Iznos: 250.000,00 KM**

**Svrha:** U cilju intenziviranja investicija u područje proizvodnih djelatnosti, a samim tim zapošljavanja i razvoja, Vlada Kantona će subvencionirati dio troškova investitora (naknade za građevinsko zemljište, naknade za pretvaranje poljoprivrednog u građevinsko zemljište, priključne takse (vodosnabdijevanje, električna energija, grijanje, plin, telefon i dr.), administrativne, sudske i druge takse, naknade za rad komisija).

Radi obavještanja korisnika o mogućnostima dobijanja sredstava poticaja, javni poziv se objavljuje na službenoj web stranici Kantona.

**Organizacija-primatelj:** Privredna društva registrirana za obavljanje proizvodnih djelatnosti u Zeničko-dobojskom kantonu, koja su proizvodni objekt izgradili na području Zeničko-dobojskog kantona.

**Kriteriji:** Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2023. godini, članom 28. stav (1) Zakona o izvršavanju budžeta Zeničko-dobojskog kantona, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, kako je to utvrđeno u članu 47. Zakona o izvršavanju budžeta Zeničko-dobojskog kantona. Javni poziv će, u skladu sa Uputstvom za dodjelu sredstava u 2023. godini, točkom 23. c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti odabir kandidiranih projekata, sve u cilju efikasne, ekonomične i efektivne upotrebe namjenskih sredstava.

#### **5. ZA OBAVEZU SANACIJE I OSIGURANJA OSNOVNOG KAPITALA FONDA FZ PIO/MIO**

**Iznos: 380.039,56 KM**

Iznos od 380.039,56 KM (20% od 1.900.197,80 KM) namijenjen je za zakonom utvrđene obaveze sanacije i osiguranja osnovnog kapitala fonda Federalnog zavoda za penziono/irovinsko i invalidsko osiguranje.

## REKAPITULACIJA

| Rb      | NAZIV PROGRAMA                                                                                                                                                      | Iznos sredstava /KM/ |
|---------|---------------------------------------------------------------------------------------------------------------------------------------------------------------------|----------------------|
| 1.      | PROGRAM RAZVOJA KONKURENTNOSTI PRIVREDE/GOSPODARSTVA                                                                                                                | 1.359.960,44         |
| 2.      | RAZVOJ PODUZETNIŠTVA I PODUZETNIČKE KULTURE I TRADICIONALNIH ZANATA                                                                                                 | 500.000,00           |
| 3.      | SUBVENCIONIRANJE KAMATE ZA 2022. i 2023. GODINU PO KREDITIMA ODOBRENIM U 2022. i 2023. GODINI PO OSNOVU KREDITNO-GARANCIJSKOG FONDA VLADE ZENIČKO-DOBOJSKOG KANTONA | 10.000,00            |
| 4.      | SUBVENCIONIRANJE ADMINISTRATIVNIH TROŠKOVA KOD IZGRADNJE PROIZVODNIH OBJEKATA                                                                                       | 250.000,00           |
| 5.      | ZA OBAVEZU SANACIJE I OSIGURANJA OSNOVNOG KAPITALA FONDA FZ PIO/MIO                                                                                                 | 380.039,56           |
| UKUPNO: |                                                                                                                                                                     | 2.500.000,00         |

**PREMIJER**

*Amra Mehmedić*

Broj: 02-\_\_\_\_\_/23  
Datum, 11.04.2023. godine  
Z e n i c a

DOSTAVLJENO:

1x Ministarstvo za privredu,  
1x Ministarstvo financija,  
1x a/a.